

ganzen Ostschweiz, ist das Pflichtbewusstsein des Wiler Parkwächters (Hilfspolizist). Paul Egli weiss dazu: «Falls ein vo Eu scho parket z'Wil en aktuelle, heisse Tip es git e neus Versteckisspiel s'isch eifach und heisst Allez-hip.

Ganz vorne lueget eine i
dä sött e Dächlichappe ha
s'tör ungeniert en Tschumpel si
die andere warted hinedra.

Denn chunnt de Retour-Kutsche-
Marsch
die hine wüssed wie dä goht
en jede git en Tritt in Arsch
dem Halbschueh wo ganz vorne
stoht.

D'Moral vo dem Vers törsch nur
tengge
denn dä wo's a-goht isch so stur
dä chönd'sch em Stadtmuseum
schenke
als hohli Chasperlifigur!»

Die Tatsache, dass ausgerechnet am
Schmutzigen Donnerstag eine Par-
lamentssitzung anberaumt war, for-
derte folgenden Herold-Kommen-
tar heraus:
«Es stinggt vo hine bis nach vorn
drum legg i d'Karte uf de Tisch
si hegget Sitzig schiints, au morn
obwohl, das Schmutzige Dunschtig
isch.

So öppis isch doch nöd normal
i glaube bald, die wönd üs legge
und hend en Maskeball im Saal
wo's chönd mit Larve s'Gsicht ver-
stegge.

Wenn jede so ne Maske treit
und anonym bliibt bis zum Schluss
denn heisst d'Prämierig: Fätzli gleit
und Piff Paff Puff und du bisch duss.

Herold aber gleich zwei Fliegen auf
einen Streich:

«Bim Gipfel hätt de Furgler z'Genf
z'mitzt uf de Chopf de Nagel troffe
will er uf russisch seit sin Senf
föör s'Imitsch und föör s'Gorbat-
schoffe.

Jetzt chömmet d'Wiler nüme drus
denn d'FGW hätt immer gseit
de Stadtamma sig, ohni Schmus
de beschti Redner wiit und breit.

So wird's au bliibe, das isch klar
de Vatikan gseht's au scho ii
es hätt de Wiler Superstar
um s'Mul bereits en Heiligeschii.

D'Moral, die lömmer uf de Siite
denn, was goht üs de Furgler a
di gröschti Schnörri, unbestritte,
hätt trotzdem üsen Stadtamma.»

Auch Radio Wil musste dran glau-
ben. In den wenigen Versen des He-
rolds zu diesem Thema ist einiges
verpackt:

«De Wiler Radio Öski hätt
es Wort zum Sonntag importiert
das findet villi gar nöd nett
und üsi Pfarrer sind schockiert.

Wie wenn das wör e Rolle spille
wohär das Wort zum Sunntig chunnt
denn s'Radio Wil isch doch kei
Chille
au nöd wäg därä Viertelstund.

Im Gägeteil, bis üsem Sender
hätt's wie bim Zoo im Zirkus Knie
Dressierti, bravi Bockmistspender
trotz Management und Hierarchie.

D'Moral: Die Wiler Schwachstrom-
leitig
brucht viel me Rasse und meh
Schwung
vor allem aber ziemli gleitig
e besseri chemisch Reinigung.»



Jetzt geben sie wieder den Ton an.